

**Salm 1:1-2**

Miḥalo hna khuakhannak ah aa tel lo i Misual hna lam zong a zul lo i Pathian a nihsawhmi hna sinah a ṭhu lomi cu Thluachuakmi an si. An i lawmhnak cu Bawipa nawlbia tu ah khan a si i cu nawlbia cu chunzan in an ruat.

**Salm 32:8**

Bawipa nih, “Na zulh awk hnga lam kha kan hmuhsak lai, kan cawnpiak lai i lungthin kan cheuh lai.

**Rom 3: 20**

Nawlbia zulhnak thawngin ahohmanh Pathian hmai I thiam a co kho mi an um lo: Nawlbia nih a tuah mi cu, an sualnak hngalh ter kha asi ko.

**Rom 5:10**

Kannah cu Pathian ral kan rak si, sihmanhselaw a Fapa thihnak thawngin a hawi ah a kan ser cang. Atu cu Pathian hawikom kan sicang caah Khrih nunnak nih cun zeitluk in dah a kan khamh chinchin lai.

**Hebru 4:16**

Cucaah cun ralṭhat in hmaiah fong u sih law, vel a umnak Pathian bawṭhutdan cu fuh u sih. Khika ah kan herh lio caan te ah Pathian zaangfahnak le vel cu kan hmuh lai.

**Levitikas 11:44a**

Zeitintiah keimah cu Bawipa nan Pathian ka si; cu caah i thianter u law, thianghlim u, keimah ka thian caah.

**Salm 18:2**

Bawipa cu ka khamhtu a si, amah cu a fekmi ka ralhruang a si. Ka Pathian cu a ka hupphengtu a si, amah sinah cun him tein ka um. Phaw bantu kin a ka huhphenh, a ka ven i him tein a ka umter.

**Salm 55:22**

Na thilri cu Bawipa sinah ṭhum ta law amah nih an bawmh lai; miṭha cu zeitikhmanh ah a sunghter bal lai lo.

**Salm 34:19**

Miṭha nih harnak tampi a in tawn, sihmanhsehlaw harnak a inmi chung khan Bawipa nih a khamh;

**Jeremiah 17:7**

Sihmanhsehlaw keimah kha a ka bochan i a ka hngatchanmi cu thluachuahnak ka pek lai.

**Rom 12: 12**

Nan I ruahchan mi thawng khan nan tha nuam ko u; harnak nan in tikah lungsau thinfual in um u law thlacam zungzal u.

**Rom 12:18**

Mi vialte he i rem awk kha nan i zuam khawh chungin i zuam u.

**Rom 6: 23**

Zeicahtiah sualnak man cu thihnak a si sihmanhselaw Pathian laksawng cu zungzal nunnak a si i cu nunnak cu kan Bawipa Jesuh Khrih he aa pehtlai mi nunnak asi.

**Deuteronomi 7:9**

Cucaah Bawipa nan Pathian cu Pathian a si kha hngal tuah u; amah cu zumhawktlak Pathian, amah a daw i a nawlbia a zulmi hna sinah chan thong khat tiangin bia a kam i a fekmi dawtnak a ngei

**1 Korin 5:2**

Zeitindah nan i porhlawt khawh theo rih ee? Ngaihchiatnak in nan khawh awk tu asi nain;

**Salm 34:8**

Bawipa hi zeitluk in dah a that ti kha nanmah tein va kawl cio hmanh u, amah chungah him tein a ummi cu a lung aa lawm.

**1 John 4:7**

Ka fale hna, dawtnak hi Pathian sinin a rami a si caah pakhat le pakhat i daw u sih. Pakhat le pakhat aa dawmi cu Pathian fa an si i Pathian kha an hngalh.

**1 John 4:18**

Dawtnak chungah cun tihnak a um lo. Dawtnak tling nih cun tihnak vialte kha a chuah dih hna.

**Efesa 6: 14**

Kei tu cu Bawipa Jesuh Khrih vailam lawng hi kaa porhlaw ko lai, zeicah tiah Khrih vailam thawng hin vawlei hi ka caah a thi mi thil asi cang I kei zong hi vawlei caah cun a thi mi ka si ve.

**Deuteronomi 15:10**

Lungtho tein nan pek lai i nan pek tik zongah nan lung chungin nan uam lai lo, zeicahtiah hi caah hin pei Bawipa nan Pathian nih nan rian vialte le nan tuahmi vialte ah thluachuahnak an pek hna lai cu.

**1 Thesalon 4:3**

Pathian nih nan nih cu a thiang mi le nu le pa sualnak aa summi si hna seh ti kha an duh hna.

**1 Thesalon 5:16-17**

A zungzal in i lawm u, a zungzal in thlacam u,

**1 Thesalon 5: 19-20**

Thiang Thlarau kha dawn hlah u; phungchim kha zeirello in um hlah u;

**1 Thesalon 5:21-22**

Zeizong vialte kha hneksak dih hna u: a ðha mi kha I chiah u law thil ðhalo paohpaoh kha hrial u.

**Joshua 1:8**

Hi phungbia cauk nih hin na kaa kha chuahtak hlah seh; sihmanhsehlaw a chungah aa ðialmi vialte ningin tuah awkah ralring tein na um nakhnga, chunzan in mah cucu na ruat lai; zeitintiah khi tikah na lam kha na tluanter lai i khi tikah khua awng na tong lai.

**Filipi 4:19**

Cun Khrih Jesuh chungah zeizong vialte tlamtingte in a ngeimi ka Pathian nih nan herh mi vialte cu an pek hna lai.

**1 Piter 5:6**

Cucaah cun a ðhawngmi Pathian kut toi ah toidorte in khuasa u law amah nih a can a rem a ti tik ah an hlorh te hna lai.

**Isaiah 41: 13**

Keimah cu Bawipa nan Pathian ka si i ðhawnnak kan pek hna; Nan thinphang hlah u, kan bawmh hna lai,” tiah keimah nih ka ti,” a ti.

**Exodus 23:22**

Asi nain amah bia kha nan ngaih i ka chim mi vialte kha nan tuah ahcun, nan ral kha keimah nih kan doh piak hna lai i an dohtu hna a dohtu kha ka si lai.

**Rom 8:35**

Cucaah aho nih dah Khrih dawtnak he cun a kan ðthen khawh lai? Harnak nih maw, temhinnak nih maw, hremnak nih maw, rawlðamnak nih maw, pamnak nih maw thil ðihnung nih maw, thihnak nih maw, zeital nih an kan ðthen kho hnga maw?

**Hebru 10:36**

Pathian duhnak nan tuah khawhnak hnga le bia an kamh mi hna nan co khawh nak hnga lungsau thinfual in um u.

**Deuteronomi 31:8**

Na hmaiah a kalmi cu Bawipa a si; na sinah a um lai i an deuh lai lo i an hlaw fawn lai lo; ÷ih hlah, na lung zong dong hlah,” tiah a ti.

**2 Korin 1:22**

Pathian nih cun amahta kan si nak hmelchunhnak kha kan cungah a kenh I kan ca I a kan chiahiak mi a dihlak aamahkhan caah khan kan lung chungah Thiang Thlarau kha a kan pek.

**Joshua 1:9**

Keimah nih nawl kan pek a si lo mei? ÷hawng ngai le ral÷ha ngaiin um ko; na thinphang hlah, na lung zong dong hlah; zeicahtiah Bawipa na Pathian cu khuazeika na kalnak hmanh ah na sinah a um ko,” tiah a ti.

**Marka 13:13**

Keimah ruangah mi kip nih an in huat hna lai. Sihmanhsehlaw a dongh tiang a hmun mi cu khamhnak an hmu lai.

**Kolose 1:12**

Cun ceunak ram chungah Pathian nih a mi hna ca I a chiah mi thil I hrawm ve awk ah aa tlak ding in an sertu hna kan Pa cu, lawmhnak he thang÷hat ko u.

**Kolose 1:11**

Zeizong vialte kha lungsau thinfual in nan in khawh nak hnga, amah thazang chungin a chuak mi thazang nih in ÷hawn ter ko hna seh.

**2 Korin 10:4**

Raldohnak I kan hmanmi hriamnam cu vawlei cung hriamnam an si lo, ralhruang fekfek a hrawk khotu Pathian hriamnam tu kha an si. A hmaan lo in bia I alnak kha kan hrawh.

**Rom 12:14**

Nanmah an hremtu hna kha Pathian sinah thluachuahnak hal piak hna u: a si thluachuahnak kha hal piak hna u, chiatserhnak si lo in.

**Salm 27:14**

Bawipa cu i bochan u! Zumhnak ngei u, nan lung dong hlah u! Bawipa cu i bochan ko u!

**Salm 34:8**

Bawipa hi zeitluk in dah a t̄hat ti kha nanmah tein va kawl cio hmanh u, amah chungah him tein a ummi cu a lung aa lawm.

**Salm 16:8**

Bawipa ka sinah a um cu ka hngalh zungzal, amah cu keimah he naihte ah a um i zehmanh nih an ka hnin kho lo.

**Salm 103:2-3**

Maw ka nunnak, Bawipa cu thangthat law zeitluk in dah zaangfahnak a ngeih kha philh hlak. Ka sualnak vialte kha a ka ngaihthiam i ka zawtnak vialte kha a ka damter;

**Salm 119:50**

Nganfah ka in hmanh ah ka hna a ngam, zeicahtiah na biakamnak nih nunnak a ka pek.

**Jeremiah 29:11-13**

Nan ca i ka tinhmi cu keimah lawnglawng nih ka hngalh, tiah Bawipa nih a ti. Cucu vanchiatnak si loin thluachuahnak a si lai i nan hnu i a rung um ding tefa tampi kong a si lai. Nan ka hal i ka sinah thla nan cam ahcun nan bia kan ngaihpiak hna lai. Nan ka kawl tikah nan ka hmuh lai; nannih nih nan lung dihlak in nan ka kawl tikah keimah cu nan ka hmuh lai, tiah Bawipa nih a ti.

**Efesa 5:16**

Atu kan nikhua hi can chia asi caah can t̄ha nan hmuhmi paohpaoh kha t̄hate in hman I zuam u.

**Salm 34:22**

Bawipa nih a sal cu a khamh hna lai; amah tangah aa dormi cu him tein an um lai.

**Salm 119:71-72**

Dantatnak ka inmi cu ka caah a t̄ha, zeicahtiah na nawlbia kha a ka hngalhther. Na ka pekmi nawlbia cu ka caah vawlei cung tangka vialte nakin a t̄ha deuh.

**Salm 119:73**

Nangmah nih na ka ser i nangmah nih him tein na ka umter; na nawlbia kha ka hngalh khawh hna nakhnga hngalhthiamnak ka pe ko.

**Jeremiah 33:3**

Nan ka auh ahcun kan leh hna lai i a nganmi le a thukmi thil nan hngalh bal lomi hna kha kan chimh hna lai.

**Phungthlukbia 4:23**

Na lung kha ṭha tein veng tuah,  
Zeicahtiah cuka cun nunnak cerhti  
kha a put.

**Salm 119:57**

Nangmah lawnglawng hi kan duhmi na si ko,  
Maw Bawipa; na phunglam zulh awkah bia  
kaa kam.

**Phungthlukbia 3:5-6**

Bawipa kha na lung chung dihlak in i  
bochan law Nangmah fimnak kha i  
rinh hlah. Na kalnak lam kip ah  
amah kha hngal law Amah nih na  
lam kha a tluanter hna lai.

**Phungthlukbia 27:1**

Thaizing kong kha i porhlaw hlah, cu  
ni nih ze i a chuahpi lai kha na hngal  
lo.

**1 Chanrelnak 29:14**

Zeitintiah zeizong vialte cu nangmah  
sinin a rami an si i kan in pekmi hi  
nangmah ta lila a si ko.

**Matthai 7:12**

Mi nih kan cung ah tuah hna seh ti  
nan duh bantuk khan mi dang cung  
zong ah va tuah ve u; hihi Moses  
Nawlbial le profet hna cawnpiaknak  
an sullum cu a si.

**Rom 12:10**

Pakhat le pakhat kha Khrih ah u le  
nau bantuk in I daw cikcek u law  
pakhat le pakhat kha I hmaizah u.

**2 Samuel 22:7**

Ka harnak chungin Bawipa kha ka  
auh; Ka Pathian kha ka auh. A  
biaknak inn in ka aw kha a rak theih  
i Ka aunak kha a hna chung a phan.

**John 14:27**

“Daihnak kan chiahtak hna, keimah daihnak  
cu kan pek hna. Vawlei nih an pek hna  
bantukin kan pe hna lo. Lungrethei le  
vansang au in um hlah u: nan thin zong  
phang hlah u.

**1 Chanrelnak 29:17**

Ka Pathian, nangmah nih lung kha  
na hneksak i dinnak kha na duhmi a  
si ti kha ka hngalh; ka lung dinnak  
in hi thil vialte hi lungtho tein kan  
pekchanh

**Rom 8:37**

Zeihmanh nih an kan then kho lai lo, hi thil vialte hna chung hin a kan dawtu thawngin kannih cu teitu hna nakin teitu kan si deuh.

**Isaiah 43:11**

Keimah lawnglawng hi Bawipa cu ka si, keimah lawnglawng hi nanmah an khamh khotu hna cu ka si.

**1 Johan 4:13**

kannih cu Pathian chungah kan um I Pathian cu kan chungah a um ti fiangte in kan hngalhnak cu Thlarau a kan pek mi ah hin a si.

**MIKAH 7:19**

Kan cungah zaangfahnak kha na ngei than ko rih lai i, Kan that lonak kha na tawl lai i kan sualnak kha a thukmi rili tawne ah na hlonh lai.

**Matthai 6:27**

Nan lung re a theih le nan awlok a chon thawngin nan nunnak tlawmte tal a sau ter kho deuh mi ahotel nan um maw?

**Isaiah 45:5**

Keimah cu Bawipa ka si, Pathian dang an um lo. Nang nih cun na ka hngal lo nain na herh mi thazang kha kan pek lai.

**Jeremiah 33:3**

Nan ka auh ahcun kan leh hna lai I a ngan mi le a thuk mi thil nan hngal bal lo mi hna kha kaan chimh hna lai.

**Biathlam 13: 8**

Vawlei cung I a ummi vialte hna nih amah cu an biak lai, sihmanhselaw vawlei ser hlanin nunnak cauk chung I an min tial a simi hna nih cun an bi alai lo, cu nunnak cauk cu thah mi Tufa ta kha asi.

**Matthai 6:19**

Rungrul le cirik nih an ei khawh I mifir nih an baoh khawh I an fir khawhnak vawlei ah hin nan chaw kha va khong hlah u.

**Matthai 6:33**

Cucaah cun zei dang vialte nakin Pathian Pennak le zeidah tuah hna she ti a kan duh ti mi kha viapi deuh in ruat u law thil dang vialte hna zong hi an pek thiamthiam ko hna lai.

**Matthai 5:3**

Mi chambau kan si ti aa hngal mi cu, lunglawm mi nan va si dah! Vancung Pennak cu nan mah ta a si.

**Matthai 10:39**

Ahohmanh a nunnak humhak a duh mi nih cun a nunnak cu a sung lai I keimah ruangah a nunnak a sung mi nih cun a nunnak cu a hmuh lai.

**2 Chanrelnak 16:9a**

Zeitintiah vawlei cung dihlak ah hin Bawipa mit cu aa chawk dih i amah lei i an lung soisel awk a um lomi hna cungah a thawnnak kha a langhter.

**Luka 10:20**

Sihmanhselaw thlarau thalo nih nan nawl an in ngaih hna caah khan I lawm hlah u, vancung I nan min tial asi ca tu ah khan I lawmtuah u,” a ti hna.

**Job 19:25-26**

Zeicahtiah a ka Tlanhtu a nun kha ka hngalh i Ni hmanung bik ah cun vawlei cungah hin a dir lai; Cun ka cuar cu hrawh a si dih tikah ka titsa in Pathian cu ka hmuh lai.

**Matthai 7:11**

Hi tluk in nan thalo ko nah in, nanmah hmanh nih nan fale kha thil tha pek nan hngalh ah cun, vancung khua I a um mi nan Pa chinchin nih cun zeitluk in dah thil tha cu a halmi kha a pek chinchin hna lai!

**Matthai 5:4-5**

A tap a hrammi cu lunglawm mi nan va si dah! Pathian nih an hnemh hna lai. Nun a nemmi cu lunglawm mi nan va si dah! Pathian nih an kamhmi hna kha nan co lai.

**Job 7:17-18**

Minung hi zeidah a si i hi ti ko hin biapi ah na rel i A cungah na ruahnak na chiah I Zingfate in na veh i zeitik paoh ah na hneksak lengmang?

**Isaiah 49:15**

Cucaah Bawipa nih a leh hna I, Nu nih a fa cu a philh kho hnga maw? A chungchuak cu daw lo in a um kho hnga maw? Nu nih hin cun a philh hmanh a philh ko hnga, Sihmanhselaw kei nih cun kan philh bal hna lai lo.

**Biathlam 3:11**

Ka ra zau lai. Na ngeih mi kha thate in I chiah, teinak laksawng na hmuh ding cu ahohmanh nih in chut hna hlah she.



**Salm 19:14**

Ka kaa chung bia hna le ka lung chung ruahnak hna cu, nangmah cohlan awk tlak si ko hna seh, maw Bawipa, ka lungpi le ka tlantu.

**Salm 16:11**

Nunnak lei kalnak lam cu na ka hmuhsak lai; ka sinah na um caah lawmhnak in ka khat i na ka bawmh caah nuamhnak ka hmu zungzal.

**1 Piter 5:6-7**

Cucaah cun a thawngmi Pathian kut toiah toidor tein khuasa u law amah nih a caan a rem a ti tikah an hlorh te hna lai. Amah nih an zohkhenh hna caah nan lungretheihnak vialte kha amah cungah chia dih ko u.

**Salm 51:10-12**

Maw Pathian, ka chungah hin lungthin thar ka serpiak law a thar le zumhtlak a simi ruahnak ka chungah chia ko. Na umnak hmun khan ka thawl hlah, na thiang thlarau kha ka lakkanh hlah. Na khamhnak chungin a chuakmi lawmhnak kha ka pe than law ka lungthin cu nangmah nawl zulh duhmi ah ser ko.

**Salm 86:11**

Bawipa, tuah seh ti na ka duhmi kha ka cawnpiak law na nawl kha fel tein ka zulh lai; ka lungthin a dih umnak in na rian ka than nakhnga ka cawnpiak ko.

**Salm 27:4**

Bawipa cu thil pakhat ka hal, ka duhmi thil cu pakhat lawnglawng a si ko; cucu ka nun chung vialte Bawipa inn chung i um le a thatnak kha khuaruahhar in zoh le amah kha lam ka hruai tuah tiin hal cu a si. Ka ngaihchiatnak cu lunglawmh lamnak ah

**1 Piter 5:7**

Amah nih an zohkhenh hna caah nan lung retheihnak vialte kha a mah cungah chia dih ko u.

**Salm 30:11-12**

Ka ngaihchiatnak cu lunglawmh lamnak ah na ka thlenpiak cang, ka mithi ngaihnak puan cu na ka lakpiak I lunglawmhnak puan kha na ka pek.

**Salm 51:17**

Ka raithawinak cu toidornak lungthin hi a si, maw Pathian, toidornak lungthin le nawl ngaimi lungthin hi na hlaw lai lo.

**Salm 90:14**

Zing fate in a fekmi na dawtnak in kan khahter, cuticun hla kan sa lai i kan nun chung vialte kan i lawm lai.

**Salm 111:10**

Bawipa ÷ih hi fim hram i thawh cu a si; cu bantukin a nungmi cu hngalhnak ah an ÷hang, Bawipa cu zungzal in thang÷hat si ko seh.

**Phungthlukbia 3:5-6**

Bawipa kha na lung chung dihlak in i bochan law Nangmah fimnak kha i rinh hlah. Na kalnak lam kip ah amah kha hngal law Amah nih na lam kha a tluanter hna lai.

**Salm 121:1-2**

Tlang khi ka hei cuan hna i, khuazei in dah bawmhnak ka hmuh lai? ka ti. Bawmhnak ka hmuh dingmi cu Bawipa sinin a ra lai, van le vawlei sertu a simi sin cun a ra lai.

**Hebrews 10:24-25**

Pakhat le pakhat kan i dawt khawh nakhnga le thil ÷ha kan i tuahpiak khawh nakhnga, i bawm tliahmah u sih. Pakhat le pakhat hmun khat i i pumh lengmang kha ngol hlah u sih; a cheu nih cun ngol hmanh hna seh law, kannih cu i forh chin u sih, zeicahtiah Bawipa Ni cu a nai deuh chin lengmang ti kha kan hngal caah i forh chin lengmang ko u sih.

**1 John 3:18**

Ka fale hna, kan i dawtnak hi hmur le kaa lawngin a si awk a si lo, dawtnak taktak, thil tinak ah a langmi dawtnak in a si awk a si.

**1 Peter 4:13**

Khrih inmi temhnak kha nan in ve caah a lawmh tu in i lawm u, zeicahtiah a sunparnak cu a langh tikah lunglawmhnak in nan khat lai.

**2 Chronicles 7:14**

ka min in kawhmi ka mi hna nih khan an lung an ÷humh i thla an cam i ka hmai kha an kawl i an lam ÷halo khan an i mer ahcun, van khin ka run theih lai i an sualnak cu ka ngaihthiam hna lai i an ram cu ka damter lai.

**James 5:16**

Cucaah cun nan sualnak kha pakhat le pakhat i chim u law pakhat le pakhat thla i campiak u, cu ti nan tuah ahcun damnak nan hmuh lai. Mi÷ha mi thlacamnak cu hmual a ngei.

**2 Peter 3:9**

Bawipa cu a biakam tlintar awakah a khul a nuar ko tiin mi a cheu nih an ruah bang hin a si lo, nanmah cung i lungsaunak a ngeih ca tu ah hin a si deuh. Zeitintiah pakhat tlaw hmanh hi a duh lo i mi vialte hi sual ngaihchihnak ngei hna seh ti tu hi a duhmi a si.

**Galatians 5:22-23**

Sihmanhsehlaw Thlarau nih a chuahtermi hna cu: dawtnak, lawmhnak, daihnak, lungsaunak, zaangfahnak, ÷hatnak, zumhawktlakmi sinak, toidornak le mah le mah i tei khawhnak tehna hi an si. Cu bantuk thil hna caah cun nawlbia zeihmanh a herh lo

**1 Peter 4:10**

Pathian laksawng kengtu tha bantukin Pathian sinin nan hmuhmi laksawng kha midang ca thatnak ah hmang cio u.

**1 Peter 4:10**

Pathian laksawng kengtu tha bantukin Pathian sinin nan hmuhmi laksawng kha midang ca thatnak ah hmang cio u.

**Ephesians 4:32**

Pakhat le pakhat cungha zaangfahnak lungthin le nemnak lungthin ngei u law Pathian nih Khrih thawngin an ngaihthiam hna bantukin pakhat le pakhat i ngaithiam u.

**Matthew 16:24-25**

Cun Jesuh nih a zultu cu a thawh hna i, "Ahoimanh nih zulh nan ka duh ahcun, nanmah le nanmah nan i philh i nan vailamtahnak nan i put i nan ka zulh a herh. Zeicahtiah ahoimanh, mah nunnak humhak a duhmi cu a nunnak kha a sung lai i keimah ruangah a nunnak a sungmi cu a nunnak a hmumi a si lai.

**Joshua 1:8**

Hi phungbia cauk nih hin na kaa kha chuahtak hlah seh; sihmanhsehlaw a chungah aa tialmi vialte ningin tuah awkah ralring tein na um nakhnga, chunzan in mah cucu na ruat lai; zeitintiah khi tikah na lam kha na tluanter lai i khi tikah khua awng na tong lai.

**Romans 12:1**

Cucaah ka u le ka nau hna, Pathian nih a kan zaangfahnak a nganmi ruangah hin, Pathian sinah a nung in pekchanhmi raithawinak bantukin i pe tuah u; a rian ah aa pumpemi le cohlan awk tlakmi si tuah u; cucu biaknak taktak Pathian nan pek awk biaknak cu a si.

**1 Peter 3:18**

Zeicahtiah Khrih hrimhrim zong kha nanmah caah a thi i sualnak ruangah khan voi khat ah za lakin a thi; nannih cu Pathian sin i kalpi awk caah khan, miṭha cu miṭhalo mi hna ruangah a thi.

**John 15:5**

Mitsur ruang cu keimah hi ka si i a nge cu nanmah hi nan si. Ahoimanh ka chungah a um i kei zong a chungah ka um ahcun, amah cu thei tampi a tlai khomi cu a si; zeicahtiah keimah loin nan tuah khawhmi zehmanh a um lo.

**2 Timothy 3:16**

Cathiang hi a dihlak in Pathian thaw chuahnawhmi a si i biatak cawnpiaknak caah le palhnak cawnpiaknak alnak caah le palhmi remhnak caah le ding tein nunnak ding cawnpiaknak caah a thahnemmi a si.

**Philippians 2:3**

Pakhat le pakhat i entainak le mah pumpak thangthat kawlnak kha nan lakah umter hlah u. Toidornak lungthin tu kha ngei cio u law midang nakin ka tha deuh tiah zeitikhmanh ah vaa ruat hlah u

**James 4:7-8**

Cucaah Pathian nawl kha ngai ko u.  
 Khuachia kha doh u law an zam tak ko hna  
 lai. Pathian cu naih u law an naih ve hna lai.  
 Misual mi hna, nan kut kha i tawl u.  
 Miziathiam hna, nan lung kha i thianh u

**Romans 6:23**

Zeicahtiah sualnak man cu thihnak a si,  
 sihmanhsehlaw Pathian laksawng cu zungzal  
 nunnak a si i cu nunnak cu kan Bawipa Jesuh  
 Khrih he aa pehtlaimi nunnak a si.

**1 Korin 16:13-14**

Lungfim tein um u, nan zumhna ah khan  
 fek tein dir u, raltha in um u law thazang  
 thawng in um u. Nan tuahmi thil paohpaoh  
 kha dawtnak in va tuah u.

**Colossians 3:23**

Zeithil nan tuah paoh ah, minung caah si  
 loin Bawipa caah ka tawan ti lungput ngei in,  
 nan lungthin dihlak in tawan u.

**1 Corinthians 15:58**

Cucaah ka u le ka nau hna, fek tein dir u law  
 zeihmanh nih in thial kho hna hlah seh.  
 Bawipa rian teimak tein nan tuannak ah cun  
 i manh lo ngaiin um zungzal ko u, Bawipa  
 rian nan tuanni cu alak a si bal lo ti kha nan  
 hngalh.

**2 Timothy 1:7**

Pathian nih a kan pekmi Thlarau nih cun mi  
 ralchia ah a kan ser lo, thawwnak le  
 dawtnak le mah le mah i uk khawhna tu  
 khan a kan khahter

**John 3:14-16**

Moses nih dar rul kha thetse ram lakah a tar  
 bantuk khan Mi Fapa zong hi tar a si ve lai.  
 Cucaah cun amah a zummi paoh nih zungzal  
 nunnak an ngei lai. Cuticun Pathian nih  
 vawlei hi a dawt hringhran caah a Fapa  
 ngeihchunte kha a pek, cucaah amah a  
 zummi paoh cu an thi lai lo, zungzal nunnak  
 an ngei lai.

**Psalms 127:1**

Bawipa nih inn cu a sak lo ahcun, a satu hna  
 rian tuannak cu santlailo a si; Bawipa nih khua  
 kha a ven lo ahcun, a vengtu hna hngilh loin  
 an umnak cu santlailo a si.

**Matthew 18:19-20**

Cun hi zong hi kan chimh hna: hi vawlei  
 cungah hin, nan halmi thil kong ah, pahnih  
 nan lung aa khah ahcun, nan halmi thil cu  
 vancung i a ummi ka Pa nih an pek hna lai.  
 Zeicahtiah ka min in pahnih pathum nan i  
 pumhna ah kei zong nan sinah ka um ve,"  
 tia a ti.

**Hebrews 4:12**

Pathian bia cu a nung i a thawng. Kap hnih  
 har vainam nakin a haar deuh. Hlang lak in  
 a cheu khawh, nunnak le thlarau an i tonnak  
 tiang, hliahcang le thlik an i tonnak tiang a  
 cheu khawh. Minung lungthin duhna le  
 ruahna vialte kha a hngalh dih.

**Rom 8:26**

Cu bantuk thiamthiam cun, a der ngaingaimi kan si caah, Thlarau zong cu kanmah bawmh awkah khan a ra. Zeiti hin dah thla kan cam awk a si ti hmanh kan hngalh lo caah bia in chim khawh lomi hram-ainak in Thlarau nih Pathian cu a kan nawlpiak.

**Rom 8:28**

Pathian nih hin, amah a dawmi hna caah le amah nih aa tinhmi ningin a kawhmi hna caah cun, zeizong vialte hi a tha lei ah a serpiak ko hna ti kha kan hngalh.

**Jeim 1:5-6**

Sihmanhsehlaw fimnak a baumi nan um ahcun, Pathian sinah thlacam seh law Pathian nih a pek ko lai; Pathian nih cun ahopaoh kha zaangfah ngai le siang ngaiin a pek ko hna. Asinain thla nan cam tikah lung awtawm lo tein nan zumh hrimhrim lai. Lung awtawm in a ummi cu thlichia nih a choihmi rili tilet bantuk a si.

**Jeim 1:19**

Ka dawmti u le nau hna, mah hihi philh hlah u: ahohmanh bia theih duhnak leiah cun a khul a rangmi si u law biachimnak lei le thinhunnak lei ah cun a khul a nuarmi si u.

**Rom 8:13-14**

Nan mihring sining in nan nun ahcun nan thi ko lai; sihmanhsehlaw sualnak nan tuahmi kha Thlarau in nan thah ahcun nan nung lai. Pathian Thlarau nih a hruaimi hna cu Pathian fale an si.

**Rom 8:1-2**

Atu cu Khrih Jesuh he i pehtlai in a nungmi hna caah cun sualphawtnak a um ti lo. Zeicahtiah Khrih Jesuh he aa pehtlaimi nunnak a kan petu Thlarau phung nih cun sualnak le thihnak phung chung khan a ka luatter cang.

**2 Thesalon 3:3**

Bawipa cu zumh awk tlak a si ko. An thawnter hna lai i Miḥhalo Pa sin khan him tein an umter ko hna lai.

**Jeim 4:7-8**

Cucaah Pathian nawl kha ngai ko u. Khuachia kha doh u law an zam tak ko hna lai. Pathian cu naih u law an naih ve hna lai. Misual mi hna, nan kut kha i taw u. Miziathiam hna, nan lung kha i thianh u.

**Filipi 4:6-7**

Zeithil kong hmanh ah lungrethei in um hlah u. Thla nan camnak ah Bawipa cu nan herhmi kha hal u law nan hal tikah lunglawm tein hal zungzal u. <sup>7</sup>Cun Pathian daihnak, minung hngalhnak a lonhtu nih cun, Khrih Jesuh chungah nan lungthin le nan ruahnak cu him tein a chiah lai.

**Matthai 5:6**

Pathian duhnak tuah kha nan duhnak ngan bik i a chiami cu lunglawmmi nan va si dah! Pathian nih nan duhnak cu a tlinte lai.

**Matthai 5:12**

Nan lung i lawm u law nan thanuam ko u, zeicahtiah vancung khua ah laksawng tapi chiahiak nan si ko.

**Tahnak Hla 3:24-25**

Ka ngeihmi dihlak cu Bawipa hi a si ko, ka ti; Cucaah amah cu lungsau in ka ngan ko lai; Bawipa cu amah aa bochanmi hna vialte cungh a tha.

**Tahnak Hla 3:57**

Nangmah kha kan auh tikah ka pawngah na um; Nangmah nih, 'Tih hlah,' na ka ti.

**Matthai 5:8**

Lungthin a thiangmi cu lunglawmmi nan va si dah! Pathian kha nan hmuh lai.

**Kolose 3:12**

Nannah cu Pathian mi nan si; amah nih an dawt hna i an thim hna. Cucaah mi zawnruahnak, zaangfahnak, toidornak, nemnak le lungsaunak kha nan i aih awk a si.

**Tahnak Hla 3:22-23**

Bawipa dawtnak a fekmi cu, a dong hrimhrim lai lo, A zaangfahnak zong a cat lai lo; Zing fate in an thar lengmang, Zumhtlak a sinak cu a lianngan hringhran.

**Tahnak Hla 3:54-56**

Ti nih ka lu a ka phum i 'Ka donghnak a phan cang,' tiah ka ti. Sihmanhsehlaw maw Bawipa, nangmah min cu Khor tawne khan ka hun auh; Ka aw kha na theih; 'Keimah chanh awkah ra tuah,' tiah ka au tikah, Na hna i cheh sawh hlah.

**Jonah 2:6**

Tlang hna kehram hrimhrim kha ka vung phan, A kutka aa hrenh zungzalmi ram kha ka vung phan; Sihmanhsehlaw Maw Bawipa, ka Pathian, a thukmi hmun chung khan nangmah nih na ka chuah.

**Kolose 3:1**

Nannah cu Khrih sinah nunnak ah thawh nan si cang. Cucaah Pathian orhlei kam i Khrih nih a bawi thutdan cungh i a thutnak vancung khua chung i a ummi thil tu kha nan lung in i seh chih hna u.

**Kolose 3:3-4**

Zeicahtiah nan thi cang i nan nunnak cu Khrih he Pathian chungah aa thup. Nan nunnak taktak cu Khrih kha a si i amah cu a langh tikah nannah zong amah sinah cun nan lang ve lai i a sunparnak cu nan i hrawm lai.







